

NOTAT til formannskapet vedrørende minnestein på Ostereidet:

Det er frå ein innbyggjar i Alver, kome inn søknad om å få plassere ein minnestein på offentleg grunn (Ostereidet). I ettertid har initiativtakaren også etterspurt kvifor dette ikkje har vore politisk handsama i Alver kommune.

Opphavelag var det søkt om oppsetting av minnestein til Alver kyrkjelege fellesråd, med ynskje om plassering ved Ostereidet kyrkje. Fellesrådet har avslått søknaden på prinsipielt grunnlag (Fellesrådet ønskjer ikkje å starte ein praksis med å setje opp monument over enkeltpersonar ved kyrkjene, og vil såleis ikkje realitetsdrøfte sjølve søknaden (fellesråd-sak 32/20)) – og har difor avvist å starte dialog om plassering eller person knytt til minnesteinen.

I forlenginga av denne prosessen/avslaget har innbyggaren søkt Alver kommune om å få plassere minnestein på kommunal grunn – også dette på Ostereidet.

Alver kommune har administrativt svart på denne henvendiga og avslått plassering på kommunal grunn. Dersom kommunedirektøren skulle vurdert denne henvendinga annleis enn Alver kyrkjelege fellesråd, ville dette kunne tolkast som ei prinsipiell avgjersle. Administrasjonen ville i så tilfelle måtte lagt saka fram for politisk avgjerd. Når administrasjonen synar til sakshandsaming i Alver kyrkjelege fellesråd og støttar deira konklusjon, er dette ikkje ei prinsipiell avgjer.

Innbyggjar etterspør også om rett til klage, men det er ikkje aktuelt av di svaret ikkje er eit vedtak som kan pålagast etter forvaltningslova. Kommunen sitt svar er ikkje gitt under utøving av offentleg mynde, dvs. mynde kommunen har fått med lovheimel, men gjennom privat mynde i kraft av at kommunen eig eigedomen som det er eit ynskje å nytte til plassering av minnesteinen.

Om Alver kommune skulle realitetshandsame ei søknad om å plassere ei minnestein på eigen grunn, er det ei rekke moment som bør vere med i vurderinga, mellom anna:

- Kva band legg vi på grunnen og området (fram i tid), er det andre/motstridande planer i området?
- Kva skal vi gjere i tilsvarande saker/søknader (presidens)?
- Kven skal vedlikehalde steinen og området rundt, fram i tid (kostnader)?
- Kven bør uttale seg/tenke å ha ei berettiga meining?